

आकाशवाणी

खबरां

1. कर्तव्य पथ पर गणतंत्र दिवस परेड च भारती सांस्कृतिक विविधता ते सैनिक विशेषज्ञताएं दे विरले मेल गी उजागर कीता गेआ।
2. सूचना ते प्रसारण मंत्रालय नै भारत गाथा श्रुति, कृति, दृष्टि शीर्षक कन्नै गणतंत्र दिवस परेड च झांकी पेश कीती।
3. आकाशवाणी नै नमीं दिल्ली स्थित मुख्यालय च गणतंत्र दिवस मनाया।
4. अमरीका दे राष्ट्रपति डोनल्ड ट्रम्प, चीन दे राष्ट्रपति शी जिनपिंग ते फ्रांस दे राष्ट्रपति इमेनुअल मैक्रों होरें भारत गी 77में गणतंत्र दिवस पर गर्मजोशी कन्नै मुबारकबाद दिती।
5. प्रधानमंत्री नरेंद्र मोदी होरें आखेआ जे भारत पूरे जज्बे ते जोश कन्नै गणतंत्र दिवस मना'रदा ऐ।
6. राई-बाई मंत्री शिवराज सिंह चौहान होरें आखेआ जे राईबाई भारती अर्थ बवस्था दी रीड दी हड्डी ऐ।



Republic

अज्ज पूरा देश 77मां गणतंत्र दिवस मना'रदा ऐ। राष्ट्रपति द्रोपदी मुर्मू होरें नमीं दिल्ली च कर्तव्य पथ थमां गणतंत्र दिवस समारोह दा नेतृत्व कीता। समारोह दा शुभारम्भ प्रधानमंत्री नरेंद्र मोदी हुंदे राष्ट्री युद्ध स्मारक दे दर्शन कन्नै होआ जित्थे उनें शहीदें गी फुल्ल अर्पित करी श्रद्धांजलि दिती। राष्ट्रपति द्रोपदी मुर्मू, परेड दे मुख्व परौहने यूरोपीय-परिशद दे अध्यक्ष एंटोनियो कोस्ता ते यूरोपीय आयोग दे अध्यक्ष उरसुला वान डेरलेयन उप्पर पुज्जियां। राष्ट्री तिरंगा फहराया गेआ जेदे मगरा 21 तोपें दी सलामी कन्नै राष्ट्रगान गाया गेआ। राष्ट्रपति होरें भारती हवाई सेना दे ग्रुप कैप्टन शुभांशु शुक्ला होरें गी भारत दे सर्वोच्च शांतिकालीन वीरता पुरस्कार अशोक चक्र कन्नै सम्मानित कीता। अज्ज कर्तव्य पथ पर आयोजित गणतंत्र दिवस परेड नै भारत दी सांस्कृतिक बन-सबन्नता ते सैन्य शक्ति दे बेमिसाल संगम गी प्रदर्शित कीता। इस बरे दा विशे स्वतंत्रता का मंत्र वंदे मातरम ते समृद्धि का मंत्र आत्मनिर्भर भारत हा। परेड दरान बक्ख-बक्ख केंद्र शासित प्रदेशें ते केंद्री सरकारी मंत्रालय ते विभागें दियां 30 झांकियां प्रदर्शित कीतियां गेइयां। जिनें राष्ट्री गीत वंदे मातरम दे 150 बरे ते बक्ख-बक्ख खेत्तरें च बदधी आत्मनिर्भरता दे बल उप्पर देश दी तेज गति दे शानदार मेल गी प्रदर्शित कीता।



I&B Tableau

सूचना ते प्रसारण मंत्रालय नै गणतंत्र दिवस परेड च अपनी झांकी पेश कीती जेदे च देश दी कहानी सुनाने आहली परम्परा ते वेक्स धेइए गी दस्सेआ गेआ। झांकी दा नां हा भारत गाथा श्रुति, कृति, दृष्टि। एहदे च वेक्स गी वैश्विक मंच दे तौर पर उजागर कीता गेआ जेदे च भारती मीडिया ते मनोरंजन नेतृत्व, नवीनता ते सांस्कृतिक कूटनीति गी दर्शाया गेआ। झांकी च सभ्यता सरबंधत धरोहर गी नमीं तकनीक कन्नै बेजोड तरीके जोडिए पेश कीता गेआ।



Ayush

आयुष मंत्रालय नै 77में गणतंत्र ध्याड़े दी परेड च अपनी झांकी पेश कीती जेदे च भारती, रिवायती दोआइए दी प्रणालिएं ते नमीं तकनीकदे एकीकृत रूप गी दर्शाया गेआ। मंत्रालय नै आखेआ जे झांकी दा विशेसार आयुष का तंत्र, सोआस्थ का मंत्र हा जिसी आत्मनिर्भर भारत ते लोक केंद्रित विकास दे राष्ट्री धेइए कन्नै जोडेआ गेआ। एहदे च दस्सेआ गेआ जे कियां रिवायती ज्ञान प्रणालियां जियां आयुर्वेद, योगा, नेचुरोपैथी, यूनानी, सिधा, सोया रिगपा ते होम्योपैथी सोआस्थ सेवाएं दे विकास च अहम भूमिका निभांदी आवा'रदी ऐ।



Prez. Galantry Awards

राष्ट्रपति द्रौपदी मुर्मू होंरें कल सशस्त्र बलें आस्तै वीरता पुरस्कारें गी मंजूरी दिती ऐ- जिंदे च 6 गी मरणोपरांत सम्मानित कीता जाग। ए पुरस्कार 77में गणतंत्र दिवस दे मौके पर दिते जागंन। ग्रुप कैप्टन-शुभांशु शुल्का- जिनें अंतराष्ट्रीय स्पेस स्टेशन पर जाइयै इतिहास रचेया हा। उनेंगी अशोक चक्र कन्नै सम्मानित कीता जा रदा ऐ। देश दा सब्बनें शा बड्डा शांति काल च दिता जाने आहला एह वीरता पुरस्कार ऐ। Major Arshdeep Singh, Naib Subedar Doleshwar Subba Singh, and Group Captain Prashanth Balakrishnan होंरें गी कीर्ती चक्र कन्नै सम्मानित कीता जा रदा ऐ। इंदे कन्नै गै 13 शौर्य चक्र जिंदे च इक मरणोपरांत दिता जा रदा ऐ। इक वीरता सेना मैडल -44 वीरता सेना मैडल जिंदे च 5 मरणोपरांत दिते जा रदे ना। 6 वीरता नौ-सेना मैडल ते 2 वीरता वायु सेना मैडल शामिल न- जेडे सशस्त्रबलें गी दिते जा रदे ना। राष्ट्रपति होंरें सशस्त्र बलें ते दुए कर्मियें आस्तै 3 सौ इक मैडलें ते सम्मानें गी मंजूरी दिती ऐ। राष्ट्रपति होंरें सशस्त्र बलें दे 98में कर्मियें आस्तै सैन्य रिपोर्टें च जिक्र गी मंजूरी देई दिती ऐ जिंदे च 5 मरणोपरांत ना। इंदे च भारती सेना थमां 81, 17 आप्रेशन रक्षक आस्तै, 11 आप्रेशन स्नो लैपर्ड आस्तै, 11 गी आप्रेशन हिफाजत आस्तै, 5 आप्रेशन आर्चिड आस्तै, 3 बचाव आप्रेशन आस्तै, 4 आप्रेशन हताहत नकसा लेई, 1 आप्रेशन सोफेन लेई, 24 दुए आप्रेशनें लेई जिंदे च 3 मरणोपरांत न, 15 भारती जल सेना आस्तै ते 2 मरणोपरांत सीमा शिडक विकास बोर्ड दे कर्मियें आस्तै ना।

<><><><><><>

Akashvani

आकाशवाणी नै नमीं दिल्ली स्थित अपने मुख्यालय च गणतंत्र दिवस मनाया। इस मौके सूचना ते प्रसारण मंत्री अश्विनी वैश्वणव होंरें आखेआ जे प्रधानमंत्री नरेंद्र मोदी हुंदा मन की बात कार्यक्रम इक उभरदा मंच ऐ जेदे राणें पूरे देश च समाज दे हर तबके दे लोकें दे सकारात्मक योगदान गी उजागर कीता जंदा ऐ। उनें लोऽ पाई जे मन की बात कार्यक्रम लोकें आसेआ कीते गेदे चंगे कम्में गी उजागर करने दे जरिए आला लेखा कम्म करा'रदा ऐ। इस कार्यक्रम च सूचना ते प्रसारण राज्यमंत्री डॉ. एल मुरुगन, सचिव संजय जाजू, प्रसार भारी मुख्ब कार्यकारी अधिकारी गौरव द्विवेदी ते दुए मानजोग लोक मौजूद हे। आकाशवाणी दे महानिदेशक राजीव कुमार जैन होंरें कार्यक्रम च तिरंगा फहराया। आकाशवाणी समाचार कन्नै गल्लबात करदे होई पदमश्री जावेद अहमद टाक होंरें आखेआ जे उंदा मन की बात च जिक्र होआ हा जिसलै प्रधानमंत्री मोदी होंरें उनेंगी दिव्यांगजनें दा प्रतीक दस्सेआ हा। तोआई, वेटलिफ्ट अस्मिता धोने होंरें आखेआ जे मन की बात कार्यक्रम च प्रधानमंत्री हुंदा कन्नै मिलने दे बाद उंदा हौसला होर मजबूत होआ ऐ।

<><><><><><>

US China R'day

अमरीका दे राष्ट्रपति डोनल्ड ट्रम्प, चीन दे राष्ट्रपति शी जिनपिंग ते फ्रांस दे राष्ट्रपति इमैनुअल मैक्रों होंरें भारत गी 77में गणतंत्र दिवस उप्पर गर्मजोशी कन्नै मुबारकबाद दिती ऐ। राष्ट्रपति ट्रम्प होंरें नमीं दिल्ली ते वाशिंगटन गी दुनिया दी सभनें शा पराने ते बड्डी लोकतंत्र गलांदे होई भारत दे विश्व स्तर पर बधारदी साख दी सराहना कीती। अमरीका दे कई गवर्नर अपने नागरिकें गी आक्खा'रदे न जे भारतीयें ते भारती-अमरीकी समुदाएं दी उपलब्धियें गी मान्यता देन ते उन्दे कन्नै दोस्ती-मित्री गी मजबूत करना। अमरीका दी विदेश मंत्री मार्को रोबियो होंरें इक सरकारी बयान जारी करियै आखेआ जे अमरीका ते भारत ऐतिहासिक मित्र देश ना। उनें रक्षा, उर्जा, संवेदनशील खनिजे ते उभरदी प्रौद्योगिकियें च दौनें देशें बश्कार नेडमें तालमेल गी उजागर कीता। उनें क्लाड दा हवाला दिंदे होई आखेआ जे भारत अमरीका दे रिश्ते दौनें देशें ते हिंद प्रशांत खेत्तर लेई महत्वपूर्ण ना।

चीन दे राष्ट्रपति शी जिनपिंग होंरें राष्ट्रपति द्रौपदी मुर्मू होंरें गी शुभकामनां संदेश भेजेआ जेदे च हालिया बरें च चीन ते भारत दे रिश्ते च होए दे सुधार दा जिक्र कीता गेदा ऐ ते दौनें देशें दी जनता दे हितें दी गल्ल कीती गेदी ऐ। उनें दौनें देशें बश्कार रिश्ते गी विश्व शांति ते खुशहाली लेई महत्वपूर्ण दस्सेआ। फ्रांस दे राष्ट्रपति इमैनुअल मैक्रों होंरें सोशल मीडिया च इक पोस्ट च भारती गणतंत्र दिवस दियां शुभकामनां दितियां ते 2024 दे गणतंत्र दिवस समारोह दरान प्रधानमंत्री मोदी हुंदा कन्नै लैती दी सेल्फी गी शेयर कीता। यूरोपीय संघ दियां अध्यक्ष उर्सुला वान डेर लियन होंरें अज्ज दे गणतंत्र दिवस समारोह च मुख्ब अतिथित दे तौर पर शामिल होने गी अपने जीवन दा

सभनें शा मता सम्मानजनक मौका दस्सेआ। उनें आखेआ जे कामयाब भारत पूरी दुनिया गी स्थिर, खुशहाल ते सुरक्षित बनाई सकदा ऐ जेदे च असें सभनें दा फायदा ऐ।

<><><><><><>

PMIS

गणतंत्र दिवस समारोहे दे इक हिस्से दे तौर पर केंद्र सरकार नै नमीं दिल्ली च 3 दिनें दे इक कार्यक्रम गी शुरू कीता जेदे च देश दे बक्ख-बक्ख हिस्सें थमां इक 100 कोला मते प्रधानमंत्री इटर्नशिप स्कीम दे इंटनर्स नै हिस्सा लैता। कारोबारी मामले दे मंत्रालय नै दस्सेआ जे एहू इंटनर्स अज्ज गणतंत्र दिवस परेड च खास अतिथि हे। पी.एम.आई.एस इंटनर्स नै केंद्री मंत्री हर्ष मल्होत्रा हुं दे कन्नै गल्लबात कीती ते अपने अनुभव ते आसें-तांगे गी सांझा कीता।

<><><><><><>

Rajnath

रक्षा मंत्री राजनाथ सिंह होरे आखेआ ऐ जे भारत इक जन केंद्रित गणराज्य ऐ जित्थे लोतंत्र ना छड़ा जनता लेई ते जनता आसेआ ऐ, सगुआं जनता लेई बी ऐ। इक अंग्रेजी दैनिक लेई लेख लिखदे होई मंत्री होरे आखेआ जे एक लोकतांत्रिक गणराज्य दी वास्तविकता इस गल्ला उप्पर मापी जंदी ऐ जे राज्य किन्नी निश्ठा कन्नै अपनी जनता दी सेवा करदा ऐ। रक्षा मंत्री होरे आखेआ जे जनता दी सेवा कदे नई खत्म होने आहली प्रतिबद्धता ते लगातार चलने आहली प्रक्रिया ऐ। अपने इस लेख दे राएं रक्षा मंत्री होरे प्रधानमंत्री नरेद्र मोदी हुं दे नेतृत्व च भारत दी यात्रा पर लौऽ पाई। उनें सभनें लोके गी अपनी शुभकामनां दित्तियां।

<><><><><><>

Globe

दुनिया दे बक्ख-बक्ख हिस्सें च रवा'रदे भारतीयें अज्ज भारती मिशनं च भारत दा 77मां गणतंत्र दिवस मनाया जित्थे तिरंगे गी फहराया गेआ ते देश प्रेम दा जज्वा माहौल च साफ दिक्खेआ गेआ। बीजिंग चीन च भारी राजदूत प्रदीप कुमार रावत होरे राश्ट्री झंडा फहराया ते राश्ट्रपति द्रौपदी मुर्मू हुं दे संबोधन दा किश हिस्सा पढेआ। कार्यक्रम च बंदे भारत ते भारत माता की जय दा उदघोश गूंजेआ। वाशिंगटन च अमरीकी राज्य सचिव मार्को रूबियो होरे भारत गी गणतंत्र ध्याडे दी बधाई दित्ती। उनें रक्षा, उर्जा जरूरी खनिजे ते उभरदी तकनीके दे क्षेत्र च भारत अमरीका बश्कार गूडी सांझेदारी पर लौऽ पाई। सिंगापुर च भारत दे उच्चायुक्त डॉ. शिल्पाक अंबुले होरे भारती समुदाय कन्नै रलिए गणतंत्र दिवस मनाया ते राश्ट्रपति हुंदा संबोधन पढेआ। जपान च राजदूत नगमा एम मलिक होरे भारती दूतावास च राश्ट्री झंडा फहराया।

<><><><><><>

PM-Celebrates

प्रधानमंत्री नरेद्र मोदी होरे आखेआ ऐ जे भारत अपना गणतंत्र दिवस ध्याड़ा पूरे जज्बे ते फख कन्नै मनारदा ऐ। इक सोशल मीडिया पोस्ट च प्रधानमंत्री होरे आखेआ जे कर्तव्य पथर पर विशाल परेड नै देश दे प्रजातंत्र दी शक्ति, धरोहर दा गूढापन ते एकता गी दर्शाया जेडी देश गी जोड़िए रखदी ऐं उनें आखेआ जे परेड च भारत दे अचूक रक्षा तंत्र गी दस्सेआ गेआ जेडा राश्ट्र दे हर चाल्ली त्यार रौहने, तकनीकी कार्यक्षमता ते बसनीके दी रक्षा लेई अनत्रुट प्रतिबद्धता गी दस्सदा ऐ। प्रधानमंत्री होरे आखेआ जे देश आस्तै मानै आहली गल्ल ऐ जे गणतंत्र ध्याडे दे समारोह च यूरोपीय परिशद दे प्रधान एंटोनियो कोस्टा ते यूरोपीय कमीशन प्रधान उर्सुला वान डेर लेयान होरे मानजोग परौहने दे तौरा पर शिरकत कीती। उनें आखेआ जे उंदी मौजूदगी भारत-यूरोप बश्कार सांझेदारी दी बददी शक्ति गी दस्सदी ऐ।

<><><><><><>

Agriculture

राई-बाई ते करसान कल्याण मंत्री शिवराज सिंह चौहान होरे अज्ज घोशणा कीती जे सरकार दालें दी 100 फीसद खरीद पक्की करने आस्तै कम्म करारदी ऐ जेदे चद तूर, मसूर ते उड़द बी शामिल ऐ तां जे करसाने गी सेही दाम थ्होई सकन। मंत्री होरे एहू गल्ल करसाने कन्नै बोलदे होई आक्खी जिनेंगी सरकार तरफा खासतौर पर गणतंत्र

ध्याडे आस्तै सद्देआ गेआ हा। चौहान होरें आखेआ जे राईबाई देश दी अर्थ बवस्था दी रीड दी हड्डी ए ते एह्दे पर 70 फीसदी आबादी प्रत्यक्ष ते अप्रत्यक्ष तौरा पर निर्भर ऐ। उनें आखेआ जे प्रधानमंत्री फसल बीमा योजना गी होर मजबूत बनाया जा'रदा ऐ।

<><><><><><>

Ladakh

लद्दाख च 77मां गणतंत्र दिवस आकाशवाणी कारगिल दे सभनें केंद्रे च मनाया गेआ। आकाशवाणी बारू च इंजीनियर जमुना प्रसाद होरें राष्ट्री झंडा चाढेआ।

<><><><><><>

Punjab

पंजाब च शहीद भगत सिंह स्टेडियम फाजिल्का च राज्य स्तर दा गणतंत्र दिवस समारोह होआ जित्थै राज्यपाल गुलाब चंद कटारिया होरें राष्ट्री झंडा फहराया ते परेड दी सलामी लैती।

<><><><><><>

Rajasthan

राजस्थान दे राज्यपाल हरिभाउ बगाडे होरें राष्ट्री झंडा फहराया ते मार्च पास्ट दी सलामी लैती। जयपुर दे एस.एम.एस स्टेडियम च कराए गेदे मुख समारोह च ऐगती वंदे मातरम दे डेड सौ बरे पूरे होने दा शीर्षक मित्थेआ गेदा हा।

<><><><><><>

Maharashtra

महाराष्ट्र दे मुखमंत्री देवेन्द्र फडणवीस होरें छत्रपति शिवाजी महाराज मैदान दादर च राष्ट्री झंडा फहराया। मुम्बई दी सभनें महत्वपूर्ण ईमारते गी तिरंगा आह्ली रौशनिणं कन्नै सजाया गेदा ऐ।

<><><><><><>